

Ulloq 12. januar 2017

Inatsisartut suleriaasianni § 37 naapertorlugu apeqqutit makku akineqarnissaannik Naalakkersuisut qinnigaakka:

Angajoqqaarsiat akissarsiaat aamma aningaasartuutitut matussutaasartut pillugit apeqqutit:

- 1. Nalinginnaasumik angajoqqaarsianut akissarsiat qanga kingullermik allanngortinneqarpat?**
- 2. Qaammammut akissarsiat assersuutigalugu soorlu 1.000 kr.-inik qaffanneqarnerat qanoq akeqassava?**
- 3. Angajoqqaarsianut nerisassarsiutitut, atisanut aamma kaasarfimmiunut akit qanga kingullermik allanngortinneqarpat, aamma atuisunut akit piffissami tamatumani procentinik qassinik qaffaaffigineqarpat?**
- 4. Akit tamakku qaffaaffigineqarnerisa kingunerisaannik atuisunut akinik tamakuninnga qaffaanerup annertoqataatut atsigisumik atuisunut tunngatillugu akinik qaffaaneq allanngortitsiffiusoq kingulleq qanga piva?**
- 5. Deloitte-p 2012-imi angajoqqaarsiat aningaasartuutaannut matussutissiisarneq pillugu malittarisassanik kommunit nassuiaassinissamut ilitersuummik suliaqartoqarnissaanik kaammattuuteqarnera Naalakkersuisunit malinneqarpa?**
- 6. Deloitte-p 2012-imi angajoqqaarsiat akissarsiaat pillugit ilitersuummik suliaqarnissaq aamma aningaasartuutitut matussutissinneqarsinnaanerit pillugu kaammattuutaa, Naalakkersuisut malippaat?**

(Inatsisartuni ilaasortaq Laura Táunâjik, Siumut)

Tunngavilersuut:./ Begrundelse:

Ukiut arlallit matuma siornatigut misissuineramik aallartitsippit/ angajoqqaarsiaqartitsisarnermik nalilersuineq./ Misissuineq/ nalilersuineq Deloitte-mit ingerlanneqarpoq, aamma juni 2012-imi Naalakkersuisunit tamanut saqqummiunneqarpoq.

Deloitte-p misissuinermini tikkuarpai angajoqqaarsianut atugassarititaasut, matumani akissarsiat, angajoqqaarsiat ilaneqarnissaat pillugu aamma angajoqqaarsiaqartitsisarnerup piunnarnissaanut, periarfissat pingaaruteqartut.

Misissuinerup takutippaa, angajoqqaasiat tamatigut misigisaraat akissarsiat appasippallaarnerat, aamma qitornarsiaqarnermut atatillugu aningaasartuutaasartunut matussusiisannigitsut Aamma kommunini sulisut annertuumik oqariatuutigaat, meerarsiaqarnermut atatillugu angajoqqaarsiatut akissarsiat aningaasartuutitut matussutissatut naammanneq ajortut.

Kisianni misissuinerup saqqummiunneqarneraniit ukiut sisamat qaangiunneranni angajoqqaarsiat akissarsiaat allanngunngillat. Ieqquusumik akissarsiat angajoqqaarsiat amerlanersaasa tigusartagaat, qaammammut suli 4.123 kr.-inik amerlassuseqarput. Aningaasarsiat 2009-ip kingornatigut ilami qularnannigsumik siusinneruserusukkuli pisumut atatillugu suli allanngortinneqannigillat.

Angajoqqaarsiatut akissarsianik akileraarusersuinermut tunngatillugu Deloitte misissuineranut tunngatillugu ilisimatitsissutigineqarpoq, angajoqqaarsiat angajoqqaarsiatut qaammammi ataatsimi akissarsiaat akileraarutinit ilanngaataasinnaasut. Angajoqqaarsiat qitornarsiamut aningaasartuuter-piaat amerlaneruppata, angajoqqaarsiat aningaasartuutit uppersarsarneqartut ilanngaatigisinnaavaat. Ilangaasisarnermut atatillugu malittarisassat kingusinnerusukkut allanngortinneqarsimaneritut tunngasunik ilisimasaqanngilanga, kisianni isumaqarpunga tamanna pisimaganannigisoq.

Angajoqqaarsiatut akissarsiat taamaallaat angajoqqaarsianut akissarsiatut eqqarsaataapput aamma qitornarsiamik pilersuinermut atatillugu atorneqartussaanaatik. Tamanna erseqqilluinnartumik taku-neqarsinnaavoq aalajangersakkami, meeqqat aamma inuusuttut pillugit ikiorsiisarneq pillugu nalunaarummi atuuttumi.

Qitornarsiaqarnermut atatillugu aningaasartuutitut matussutissat angajoqqaarsiat qaammammut nerisassarsiuutissatut 1.000 kr.-usut suli tigusarpaat, aamma ullormut 36 kr. atisassarsiuutissatut kaa-sarfimmiussatullu. Taamaalluni ullumikkut aningaasat piffissap Deloitte misissuinerata nalaani atorneqartutut amerlassuseqarput, Aningaasat amerlassusiat 2009-imili allanngorsimannigilaq, im-maqa suli siusinnerusukkulli taama amerlassuseqarsimasut.

Periarfissaqarunarpoq aningaasartuutitut allanut matussutissiinissaq, assersuutigalugu sulinnigiffe-qarnermut aamma apersortitsinermut atatillugu. Taamaattorli Deloitte misissuinermini tikkuarpaa, angajoqqaarsiat aningaasartuutaannut matussutissat sorliit pillugit kommunit suleriaasii assigiin-ngimmata, ilami kommunip ataatsip iluani assigiinnatik, tamatumani sulianik ingerlataqartut akor-nanni malittarisassat atuuttut qanoq paasineqarnissaat pillugu nalornisoqarnera takuneqarsinnaalluni.

Tamanna tunngavigalu Deloitte kaammattuutigaa, aningaasartuutitut allanut matussutissiisarneq pillugu malittarisassanik paasinninnissaq pillugu kommuninut ilitsersuusiamik suliaqartoqarnissaa. Kaammattuinermik malinnittoqarnera ilisimasaqarfigaara.

Deloittep naggataatigut paasivaa, angajoqqaarsiat, angajoqqaarsiatut pisinnaatitaffimminnik amma pisussaaffimminnik ilisimanninnerat killileqartoq, aamma misigisimangikkaat tamanna pillugu kommuni naammattumik annertussusilimmik ilitsersuisimangitsoq,

Tamanna tunngavigalugu Deloittep immikkut ittumik angajoqqaarsianut akissarsiat pillugit aamma aningaasartuutitut matussutissiisarneq pillugu pisinnaatitaaffeqarneq pillugu ilitsersuusiortoqarnis-saa kaammattuutigaa. Taama kaammattuuteqarnermik malinnittoqarnersoq ilisimasaqarfiginngilara.

Angajoqqaarsiat taama suliniuteqarnerat soorunami akilerneqartariaqarpoq inuiaqatigiinni tararsor-fittut nersorinnissutitut.

Aamma puigorneqartariaqanngilaq angajoqqaarsiatut inissisimaneq alla tamatigut tassaasinnaasar-mat paaqqinnittarfinnut inissiineq, inuiaqatigiinnut akisunerungaartoq.

Tamanna tunngavigalugu Naalakkersuisut angajoqqaarsianut atugassarititaasunik pitsanngorsaa-nissamut alloriarnissaq suli tigusunngimmassuk paasiuminaatsippara, soorlu Deloittep 2012-imi kaammattuutigisimasaatut.